







1750







D. O. M.
POSITIONES ANATOMICÆ
E T
CHIRURGICÆ.

EX ANATOMIA.



ORPORIS humani structuræ indagatio est Chirurgus aded necessaria, ut nullos affectus apprimè cognoscere, nullosque morbos tutò curare possit, si Anatomix ignaræ artem profiteri audeat. Ided thoracis Anatomen exponemus, quia de hujus ventris partibus vulneratis in positionibus Chirurgicis agemus.

PECTUS, seu medius venter, est ea pars trunci, collum inter & abdomen sita; cujus fines, anteriùs, sternum & claviculæ; posteriùs, dorsi vertebræ duodecim & scapulæ; à lateribus, costæ in veras & spurias distinctæ; inferiùs, septum diaphragma dictum, circumscribunt. Quæ partes unà cum musculis pectoralibus, intercostalibus, serratis, & multis aliis, arcuatum fornitem, sursùm angustio rem, deorsùm amplio rem, efficiunt, tegumentis communibus involutum. In parte anticâ, præcipuè in feminis, eminent mammæ quarum usus in prægnantibus, puerperis & lactantibus potissimùm viget.

PECTORIS cavum pleurâ obducitur, duabus lamellis

2


conflatâ, quarum exterior ob adhæſionem cum partibus vicinis aspera, interior lævis & humore jugiter stillanti madida.

PLEURA duplex : Quælibet singulum pulmonem continet & obtegit : ex utriusque conjunctione oritur mediastinum, quod thoracem secundum longitudinem obliquè & inæqualiter bipartitur, undè cavitas dextra sinistrâ amplior. Sub sterni parte inferiori sibi mutuò accumbunt lamellæ mediastini; superius, interstitium, quo thymus excipitur, suppeditant; removentur posterius, & cameram cellulosa efformant, in quâ pericardium, cor, & vasa majora situm obtinent. Extrâ pleuram, juxtâ vertebra, pergunt œsophagus, ductus thoracicus, aorta, azygos.

PARTES præcipuæ in pectore contentæ respirationi & sanguinis circulationi inserviunt. Respirationis organa sunt trachea & pulmones, mediantibus Diaphragmate, aliisque musculis inspiratoriis & Expiratoriis. Circuitum sanguinis promovent cordis ventriculi, auriculæ, trabes carneæ, valvulæ, & vasa majora.

RESPIRATIO in inspirationem & Expirationem dividitur. In inspiratione ampliatur pectoris cavitas, pulmo dilatatur & ingreditur aër : egreditur in expiratione, coarctato pectore & pulmone pressò.

MOTUS Sanguinis circulatorius à vi contractili cordis & arteriarum pendet; unde sanguis à corde ad extimas usque corporis partes per arterias fertur, & ex his per venas ad cor reducitur.



E X C H I R U R G I A.

VULNERA pectoris vulgò dicunt penetrantia, aut non penetrantia; Vulnera quæ pectoris cavum non attingunt, cutem, adipem, musculos, aut ossa lædunt. In vulneribus penetrantibus partes inclusæ graviùs leviùs-vè sauciantur, & majorem aut minorem sanguinis copiam extrâ aut intrâ pectus, pro vulneris situ & partis læsæ indole, effundunt, intactæ quandoque manent.

REPETENDA non est vulnorum thoracis simplicitas aut complicatio, ex eo quod penetrent aut non penetrent, sed à

modo quo partes vulnerantur, & ab accidentibus: Vidimus enim vulnera partium continentium lethalia, dùm, pulmonibus ense transfixis, intrà paucos dies ægri convaluerunt. Musculorum externorum aponevroses aut tendines secti sæpè maxima inducunt accidentia. Quid non timendum esset de arteriæ intercostalis hemorrhagiâ, si deessent auxilia, ex quibus Compressio Ligaturæ anteponenda videtur. *

VULNERUM thoracis cavum penetrantium, partium contentarum Læsionis, cruoris effusi & suprà septum collecti multa dantur signa; obscuriora, si seorsim, certiora, si collectivè spectentur,

SI Via Vulneris sit recta, Vulnus in cavum pectoris transire denotant cruor & aër cum sibilo exiliens; aër enim exterior ingressus, calore rarefactus, in inspiratione cum impetu efflabitur, & candelæ flammulam Vulneri admotam extinguet, aut saltem dimovebit.

IN obliquo Vulnere sæpè exitus aëri impeditur, & in membranam cellulosam subrepat, undè emphysema. Quod, si Vulneris momento accidat & brevi temporis spatio mirum in modum augeatur, certò indicat læsos bronchiorum ramos; secùs, signum penetrationis incertum.

AD exploranda pectoris Vulnera, à specillo & aquæ tepidæ injectione, tanquam mediis inutilibus & noxiis prorsus absteat Chirurgus.

CRUOR spumofus è Vulnere erumpens, sputa cruenta, spirandi difficultas, pulmonem læsum demonstrant. Septum transversum Vulneratum indicant, anhelitus, singultus, dolor acutus & profundus, labiorum motu spasmodico stipante.

INGENS sanguinis profluvium, animi deliquium, pulsûs exilitas, sudores frigidi, cordis, Ventriculorum, auricularum, aut Majorum vasorum solutam unionem significant, proximamque mortem præsagiunt.

SANGUINIS effusi in alterutrâ aut utrâque pectoris cavitæte Collectio diversis signis innotescit. Spiritus difficilis, decubitus molestior in latus sanum, pondus in septo, & si major

* M. Bellocq è Regia Chirurg. Acad. torcular exiguum invenit ad sistendam arteriæ intercostalis hemorrhagiam.

4
sit sanguinis copia, prominentia hypocondrii, costarum spuriarum distentio, in uno tantum latere coacervationem certò certius designant. Respiratio difficilior, frequentior Lipothymia, decubitus facilius in dorsum & in utrumque latus impossibilis, septum gravius pondere obrutum, in utraque cavitate sanguinis collectionem probant.

VENÆ sectionibus iteratis & tenui Victus ratione accidentia debellanda & arcenda.

IN Emphysemate Vulnus ampliandum.

COGNITA sanguinis Collectione, per Vulnus ipsum, si Vulneris situs sit commodior, sanguis educendus: si per Vulnus elabi non possit, operatio Empyematis in loco electionis instituenda.

OPERATIONE celebratâ, rarò deligandum Vulnus, turundam rejiciendam, fasciolam in Vulnus immitendam, injectiones primis diebus utiles, seriùs infestas, censemus.

lais en voir
Has positiones, DEO JUVANTE, & Præside M. JOANNE-BAPTISTA-ANTONIO ANDOUILLE Artium & Chirurgiæ Magistro, Demonstratore Regio, Scholæ Præposito & nuper Nosocomiorum Castrensiũ & Regis exercitus Chirurgo Primario, tueri conabitur BONAVENTURA FOURNIER, Aquisextanus, Artium Magister & Nosocomii Generalis Parisiensis, in domo dictâ BICETRE, Chirurgus Præcipuus.

P A R I S I I S,

IN REGIIS CHIRURGORUM SCHOLIS.

Die Jovis xiv. Maii à sesquisecondâ post meridiem ad septimam. Anno Domini 1750.

PRO ACTU PUBLICO

E T

SOLEMNI COOPTATIONE.

Typis DELAGUETTE Regiæ Chirurg. Academiæ
Typographi 1750.